

欽定剿平三省邪匪方略

欽定剿平三省邪匪方略正編卷六十六

戊午年

三月初一日

乙丑

秦承恩奏言

臣

因李全股匪滋

擾省西一帶當與王文雄帶兵馳剿途次節據

郢縣楊壽磐稟報賊匪於二十一日竄至郢縣

斜峪關已被闖入關口在石榴廟等處焚掠直

撲縣城又據盩厔縣姚令俞稟報賊匪於二十

二三等日竄至該縣之槐下鎮等處焚掠並訊

據盤獲奸細王酉等供稱此股賊首係李全張  
添文賊衆七八千人到洋縣分爲二股一向西  
北竄佛葉坪一向東北竄鉄冶河因官兵追趕  
緊急又由老林翻山合爲一股欲由郿縣盩厔  
徑撲西安臣以盩厔距省僅一百五十餘里當  
同王文雄由捷徑趕赴該縣途次探知賊匪前  
隊由盩厔南山脚下之焦家鎮一帶竄擾當卽

挑派兵勇令王文雄先行帶往迎頭截殺

臣等

領兵勇繼進時賊匪馬隊正在焦家鎮街口焚

掠我兵直前截殺斃賊四十餘名生擒五名賊

衆向西奔逃我兵緊隨追剿突有賊匪大隊從

林內衝出拚死抗拒經王文雄率同將弁兵勇

奮力衝擊鎗礮並發殲賊五百餘名生擒三十

四名賊衆仍折回西南翻山四竄時已昏黑未

使窮追俟天明馳赴前途探蹤兜剿再探聞夾  
嶺南面之黃花嶺一帶尙有賊匪屯聚雖經派  
有遊擊知縣等官設險堵禦但賊蹤甚近路徑  
紛歧必得大員督率經理適臬司台斐音抵任

臣卽令其馳赴子午峪夾嶺等處督率員弁加

意防範以免疎虞又據探報興肇柯藩帶兵由

郿縣趕抵盩厔臣已星飛知會令卽帶兵由西

而東臣等帶兵由東而西兩面夾攻剿辦自更  
得手

同日汪新奏言臣於二十二日行抵襄陽途中

接據鄭西縣孔繼樞稟報前次竄入該境之賊  
經該縣督率鄉勇殺斃三四百名適德楞泰帶  
兵趕到抄出賊前又殲戮多名賊即退回洵陽  
鎮安一帶臣查此股賊匪即係高均德爲首雖

經擊退離鄖尙近且聞齊王氏等股賊匪先後  
竄渡漢江均在洵陽鎮安兩處分屯皆距鄖西  
不遠宜先扼其人豫之路逼向西南俾陝省各  
路大兵四面圍合庶易撲滅查鄖西與河南之  
浙川內鄉等處均係毗連已飛飭鄖陽州王正  
常挑派健勇數千名督同防守茲奉

諭旨飭令額勒登保前來防剿仰見

聖明燭照機先臣已飛咨囑令卽赴楚陝交界之洵

陽一帶擇要駐紮逐步堵剿臣亦酌帶官兵前

往鄖陽相機策應並令文圖專駐漢江南岸之

竹溪一帶以防川陝之賊均奏入

上命軍機大臣傳諭勒保秦承恩汪新曰李全等股  
匪因官兵剿急欲由鄖縣盤屋徑趨西安經秦承  
恩等偵知卽挑派兵勇迎頭截殺殲賊五百餘名



此次王文雄實爲奮勉著加恩賞給提督銜並賞  
金鑲松石盒白玉喜字牌玉搬指大小荷包秦承  
恩帶兵繼進調度合宜亦著賞給一分打仗兵丁  
各賞一月錢糧其陝省鄉勇並著秦承恩酌加獎  
賞此時賊匪勢已窮蹙秦承恩王文雄現在探蹤  
兜剿而興肇柯藩亦已帶兵趕赴盤屋正可兩面  
夾擊不拘何人能將賊首李全等拏獲卽係何人

之功王文雄經朕特加恩賞尤應格外奮勉又據  
汪新奏擊退鄖西竄匪一摺前此高均德等竄入  
鄖西縣境當經官兵擊剿賊匪業已退回此時鄖  
西一帶賊去已遠該撫惟當同鎮將等往來巡察  
嚴密防堵

初三日

丁卯

秦承恩奏言

臣

與王文雄於二十五

日在整屋焦家鎮剿殺李全一股賊匪餘眾向

西奔逸二十六日黎明臣等整兵追襲甫行數

里至圪子村地方卽遇賊匪全隊蜂擁而來約

有一萬餘人王文雄與叅將鍾岳分兵兩翼迎

擊賊亦分爲左右前來抄截我兵各用鎗礮轟

擊殲賊一百餘人賊勢稍退旋分四路向前攻

撲又被殲擒四百餘人賊匪又分作十數股馬

步聯絡將我兵四面裹住王文雄督飭將弁排

成圓陣面皆向外隨賊所到各用鎗礮迎擊又  
殲斃數百人復有馬賊一千數百名前來衝突  
臣當令千總崔雯帶領藤牌兵奮勇而出賊馬  
驚顧奔竄賊衆滾鞍落馬自相踐踏王文雄乘  
勢上前趕殺又殲斃一千餘人賊衆潰散我兵  
趕剿里許又有一股賊匪徒樹林內突出我兵  
直前衝殺殲斃多人並鎗斃執大旗賊目王正

奇一名賊始紛紛肆竄此次打仗兵勇不滿三  
千當賊數倍之衆自卯至酉攪戰五次共殲  
賊匪二千餘人生擒一百餘人寔足大挫賊鋒  
此時興肇柯藩已抵盤屋現派兵一千名前來  
協剿正可趁此機會合力兜圍此次出力員弁  
謹開單呈

覽

同日宜綿奏言臣於本月十六日自順慶兼程

前進二十三日行抵寧羌州接奉

諭旨令臣速赴明亮等一路軍營將所帶官兵悉行

統領督率德楞泰等實力剿辦臣查高均德齊

王氏李全等數股賊匪各有官兵剿捕尙不至

肆出無忌惟頃據南鄭縣稟報通江一股賊匪

竄入縣境二十二日有四五千人先由城東之

金花寺踰淺過江仍由城固洋縣界內北竄其  
餘萬餘人屯聚縣屬之青石關又據寶雞岐山  
鳳翔等縣稟報賊匪一股竄至寶雞之虢川岐  
山之桃川等處焚掠約四五百人此二股賊匪  
不知頭目姓名亦未知係何股分出谷州縣均  
無官兵紛紛告警請援臣查漢中城內僅存官  
兵二百餘名漢江一帶多有淺灘可涉若盡行

防堵斷無如許兵力至魏川桃川等處已出南山漸趨平地鳳翔西安同州三府並無重兵平原千里土沃人稠村落芬布若使賊匪闖入擄掠得利勢更鴟張且東出潼關卽入豫境西過邠乾直犯甘肅臣所帶索費英阿之兵內有七百餘名經勒保札留廣元本爲保護餉道起見今北棧梗塞旣無可護之餉而通江之賊已入



漢中

臣

已飛調索費英阿速領原帶之兵來陝

再將

臣

所帶官兵湊足一千名之數交伊統領

由褒城留壩一路疏通餉道卽赴鳳翔一帶剿

堵遏其西竄之路猶恐緩不及事查額勒登保

現在商州一路防堵今該處已有秦承恩等帶

兵駐紮應令移至同州所屬邊賊東竄之路

臣

卽飛咨額勒登保帶兵確探賊蹤或由雒南出

華陰或由藍田至臨潼與索費英阿兩面夾擊

其漢中一路臣已飛咨勒保查明此股賊匪酌

派提鎮大員速來剿辦臣卽日帶兵五百名趕

赴明亮德楞泰軍營嚴切查辦

同日明亮德楞泰額勒登保奏言臣明亮德楞

泰前將高均德齊王氏兩股賊衆逼剿至判官

嶺地方痛加截擊該匪折向西南爛草坪一帶

竄擾當率將弁抄至該處帶領馬步兵丁兩面  
衝擊將賊人中一隊二百餘人截住殲殺無遺  
其前後各隊復向西南漫山四竄阿穆勒塔等  
帶兵分投追殺斃賊百餘生擒二十八名內陳  
德饒王國用二犯係齊王氏管領兵頭目據供  
賊意總要向東北奔竄逃回河南湖北因屢破  
官兵裁殺暫時折回西南俟將官兵誘入西南

山內再從小道繞出鎮安山陽一帶前去當將  
該犯凌遲正法查兩河關地方爲數州縣交界  
之所係東北面要路當卽率兵馳赴扼要截剿  
並派副將扎爾杭阿帶兵躡剿派守備馬應國  
酌帶兵勇扮作教匪尾隨前進臣額勒登保亦  
於是日趕到旋據馬應國稟報賊匪由廟溝等  
處繞道竄及鎮安西北境內勢將由野竹坪舊

縣關直趨東北臣額勒登保率領鎮臣長春協

領德明泰等共帶滿漢兵四千餘名於是夜二

鼓由柴溝口屹塔寺一帶進剿臣明亮德楞泰

帶兵六千名由石板溝雲蓋寺一帶兜剿二十

二日午刻臣額勒登保行至野竹坪賊匪正竄

至該處焚掠當卽奮力轟擊賊匪捨死搜鋒分

三路抗拒隨率同綸布春等亦分三路奮剿斃

賊三四百名生擒八十餘名賊匪始向西南山  
梁敗退其時臣明亮德楞泰正由小廟嶺前進

行至野竹坪西面聞鎗破聲卽親率馬兵翻山  
壓下兩面夾剿賊匪惶急狂奔又經官兵擊斃

一二百名餘賊皆翻山越澗疾竄臣等率兵乘

勝追殺至舊縣關沿途殲戮甚多察看賊人敗  
竄道路一爲黑虎廟一爲紙房溝均可達商州

山陽兩處地界並訊據獲賊劉與得等僉供齊  
王氏高均德等現俱逃往黑虎廟一帶還要向  
東北去等語查山陽商州與商雒鄖陽接壤

臣

明亮德楞泰卽日由舊縣關左手採玉窪一帶  
抄赴商州迎頭擊剿此次打仗官兵間有受傷  
陣亡另行查明咨部

同日典肇柯藩奏言

臣

等在石板垵擊敗賊匪

後餘賊由老林分水嶺一帶逃竄該處距郟縣甚近因卽緊躡賊蹤沿途搜剿本月二十四日探知賊衆在懷陽一帶卽督兵趕緊前進離懷陽五里許有騎馬賊數十名在途瞭望臣等催令馬隊官兵馳趕殺死十數名餘匪奔入懷陽賊衆卽棄其什物而走我兵繼至殺賊三百餘名生擒二百餘名復追殺三十餘里賊向四野



狂奔時已天晚派委兵勇分投踏探知賊已向

東北屯聚

臣

等卽帶兵乘夜進發沿路點放號

火以爲疑兵天甫黎明又據探報賊已聚向金

渠鎮前去未擾卽縣

臣

等卽斜趨該處賊又東

趨整屋大路復馳追一百餘里正值賊匪率領

醜類往撲該縣城垣該縣姚令俞同署守備魏

廷拔等率領兵勇民壯極力抵禦

臣

等先後趕

到四面兜圍鎗礮夾擊殲斃賊匪八百有奇擒  
獲三百餘名奪獲旗纛馬騾刀矛甚多餘匪四  
散狂奔我兵追捕復擒獲一百餘名訊據獲賊  
傅先聲等僉供賊首是張漢潮李述商量要在  
陝西地方沿途裹掠前往河南會合前起當將  
該犯等分別正法此次官兵連日追奔三百餘  
里殺賊多人實爲勞奮間有傷亡官員內叅將

王福等皆有受傷均奏入

上命軍機大臣傳諭宜綿德楞泰泰承恩興肇柯藩  
王文雄曰此次李全等一股在圪子村竄擾賊數  
衆多王文雄所帶兵勇不滿三千當賊數倍之衆  
接仗五次殲賊三千餘人實堪嘉獎所有固原提  
督一缺著王文雄卽行擢補柯藩前在寧沔堵賊  
疎於防範今連次殺賊趕赴蓋屋尙知奮勵王文

雄所遺南陽鎮總兵員缺卽著柯藩護理仍帶革職處分以觀後效伊二人經朕此次加恩尤當感激圖效現據興肇等奏已將滋擾郟縣賊匪剿散卽日馳抵蓋屋協剿秦承恩王文雄當與合力兜圍兩面夾擊秦承恩所奏此次出力之將弁鍾岳等俱酌量以應陞之缺陞用至齊王氏高均德等欲將官兵誘入西南山內卽從小道繞出鎮安山

陽一帶竄入楚豫狡計可惡明亮等遲逾多日此  
次所奏仍不過追剿竄匪殺賊亦屬有限所辦何  
事明亮德榜奏著傳旨嚴行申飭宜綿現在馳抵  
陝境當速赴鎮安一帶督兵進剿此時額勒登保  
已抵該處宜綿務須大加振作督同趕緊剿辦祇  
須將首逆拏獲匪黨無難殲淨至所奏通江一股  
賊匪又由南鄭踰淺過江竄至城固洋縣地方宜

綿尤須嚴密堵剿勿任再與李全一股竄合究竟  
此股係何賊首並卽查明速奏

初六日

庚午

明亮德楞泰額勒登保奏言

臣

額勒

登保星夜馳赴商州一路

臣

明亮德楞泰星夜

馳赴山陽一路各扼要隘以便截擊詎賊人狡

詐異常分向西南狂遁齊王氏直趨商州高均

德直趨山陽行走甚速

臣

明亮德楞泰於二十

六日兜至山陽峒峪河正值賊匪竄近該處當  
卽率兵進剿將前隊迎頭截殺殲擒百餘名賊  
人敗退後竄擾下關坊隘口離山陽縣城二十

餘里該縣居民聞風驚避當飭隨營道府安撫  
彈壓一面親率巴圖魯侍衛鎮將官兵等抄馳

迎截該匪分佔左右山梁施放火鎗拋擲石塊

臣明亮同賽冲阿等搶上右手山包臣德楞泰

向溫春等搶上左手山包不避矢石一擁競上  
將兩山賊衆壓下併力攪殺賽冲阿同阿穆勒  
塔首先衝入奮勇擊射殲殺尤多佐領噶塔保  
章果保當被矛傷陣亡官兵儘力追剿超越四  
五重山包共殲賊四百餘名生擒田賜福等六  
十二名內曹先配熊朋鳴羅崇發鄭自順四犯  
係戕害噶塔保等之賊當予嚮割斬梟士卒稱



快餘賊向商州一路狂奔官兵乘勝兜剿

臣額

勒登保於二十六日馳抵商州據報齊王氏一

股將至九間房離州甚近卽親率官兵同綸布

春等進擊至九間房正遇賊匪結隊前來當飭

各兵分伏山後民村迨賊臨近施放號第一鼓

並進賊人情急亡命力拒綸布春德明泰格布

舍等率領馬隊搶入撲剿慶溥長春等率步隊

兵丁在外圍剿左馳右擊殲賊六百餘名生擒  
曹如松等九十三名當卽駢戮佐領胡世訥猝  
被矛傷陣亡餘賊向西北敗逃我兵追殺二十  
餘里沿途復斃賊八十餘名適據商州和州馳  
報高均德一股經明亮等截剿不能奔出山陽  
竄及該州東境臣額勒登保復由寬坪一路抄  
出上關坊相遇高均德一股正在率兵攔擊維

時臣明亮德楞泰已由下關坊疾馳兜剿前來

遂率兵兩面夾攻賊賊三百餘名生擒劉性賢

等五十八名賊匪從旁翻出向西南狂遁時已

深夜暫行紮駐臣額勒登保察看齊王氏一股

自九間房西竄勢必侵入藍田卽出吳家庄抄

赴兜截高均德一股自上關坊東奔勢必折向

黑山及九里坪等處希圖繞赴鄂西臣明亮德

楞泰亦卽率兵馳赴黑山並派賽沖阿達音泰帶兵趕赴九里坪截殺次日高均德一股果先竄及九里坪經賽沖阿等抄前截殺賊復奔至小河口一帶復經臣明亮德楞泰率兵截擊該匪折回犀牛槽逃遁該處北通藍田該匪自必直前奔竄仍與齊王氏會合惟當緊躡賊蹤將兩股逼歸一處以便夾攻得力連日打仗傷亡

兵丁另行查明咨部

同日興肇柯藩奏言臣等於二十六日由盤屋

起身據西南鄉姚村等處百姓稟報有賊匪一

股約千餘人在各該村焚掠臣詢知該處距縣

城僅二十餘里當卽帶兵馳往正遇賊匪前隊

在村口焚掠當派協領富魁叅將玉福直前截

殺殲賊一百餘人詎後隊賊匪蜂擁而至臣等

當卽督同協領那全喜卜產叅將海洪阿槐他  
哈鼓勇直前攪戰多時殺斃六百餘人射死賊  
目二名賊匪四散奔竄正在分路搜捕適據知  
縣姚令俞稟報探聞秦承恩王文雄帶兵已到  
東鄉圪子鎮一帶與賊打仗惟兵丁稍單臣等  
當派副將德明額帶領馬步隊一千名星夜趕  
往協剿俟將此間敗竄餘匪剿淨卽帶兵疾馳

前進與秦承恩等合力剿辦

同日觀成劉君輔奏言

臣

等攻奪土地埡要卡

後賊匪無計可施冀圖竄逸

臣

等將得力官兵

盡數挑赴各卡緊逼圍圍正月二十日辰刻有

賊匪百十人從白果坪山梁分股下山叫喊投

降

臣

等察知奸計卽令遊擊朱進廷等帶領兵

勇先於樹林內埋伏誘令下坡奮力截殺斃賊

三十餘名餘匪竄退該匪等復於二十五六等

日悉次衝撲華頭嘴寒坡嶺等處卡隘均經

臣

等帶兵迎擊節次斃賊四五十名生擒十三名

內萬九皋一名訊係矛手頭目據供因向登科

逃走山下陳崇德十分畏懼要候外邊人來接

應現在糧食已盡祇可拚命衝出餘犯皆係助

惡打仗均經一一正法

臣

等連日督兵分路環



剿忽於二月初八九等日節據大寧縣文武稟  
報開縣竄匪分股奔逸闖入大寧境內分水河  
一帶焚掠賊勢甚衆聲言欲與老木圍合夥又  
據守卡弁兵盤獲奸細唐秉安等解營研訊據  
供頭目係杜啟鳳歸併王三槐一夥今年正月  
間在開縣被官兵剿敗杜啟鳳沿途焚擄又奏  
有三四千人分四五股由開縣大山內逃走從

鹹水霸等處偏僻小路翻山進老木閣接應陳崇德因我等係大寧縣人派令探路屬實當將該犯等寸磔並抽兵二百名派赴寶塔交與副將白守忠保護糧運又於各卡內抽派兵勇八百名臣劉君輔率同叅將呂朝龍等帶領馳赴九蜂壩偏岩子扼要堵剿又於四道溪鮮魚池九灣子等處幽僻小路酌派兵勇堵禦截其來

路十三日該匪等約二千餘人由鹹水壩一帶

箐林內翻山直撲九蜂壩經

臣

劉君輔督率官

兵堆放木石並用鎗礮擊斃賊二百餘名賊

勢漸退當卽同呂朝龍督兵追趕於响水洞周

武坪等處又斃賊百十餘名賊匪退至尖山壩

而附近寶塔陳家壩口等處均有另股竄匪出

沒焚掠窺伺糧運已飛飭副將白守忠悉力堵

禦

臣

劉君輔卽於鹹水壩駐紮往來策應日內

老木園賊匪望見四處煙談知外援已近拚命

沖撲

臣

觀成現在督率員弁兵勇嚴防截擊不

使竄合

同日英善福寧奏言

臣

英善遵

旨口保寧起程行抵岳池縣途遇宜綿當將陝甘總

督事務交代旋卽馳抵達州與

臣

福寧會晤連

日將川省各路糧運軍火事宜通盤籌計查川  
省自軍興以來川北川東谷州縣存貯倉穀陸  
續碾支現在各營每月約需糧五六萬石前經  
藩司林僑奏明採買穀六十萬石可碾米三十  
萬石足敷供運

臣

復飭該藩司查明上年收成

較豐之處隨時購買廣爲備儲惟刻下各路大  
兵分馳擊賊路徑難以預定亦必須數路協力

供送謹就現在情形分別各路緩急酌量派員  
分投經理所有大營糧運責成松茂道承勳承  
辦其達州開縣一帶糧運責成道員石作瑞李  
憲宜總辦太平一路責成同知淡士灝督催雲  
陽萬縣一路責成同知陳遂督催保寧一路責  
成臬司先福川北道李鉉總辦其重慶夔州順  
慶三處卽令各本任知府趙秉淵等督催俾各

有專司無從推諉今勒保追剿王三槐等一路賊匪又經折回西南現將太平東鄉一帶糧站撤回改由西南一路緊跟大營隨時運供其大寧開縣蓮道間有阻隔卽改由巫山新寧等處繞運不致缺誤其火藥鉛彈火繩等項已飭成都軍需局及各標鎮營辦解現亦足敷應用至餉銀一項去歲川省卽已動支無存尙有應領

未發及各項借墊銀兩共欠至二百數十萬兩  
前宜綿請撥京餉除陝省截留外現有一二起  
押運入川又已委員迎催並飛咨陝省將後起  
餉銀及從前截留應還之項催趨補解來川日  
內仍飭總理司道先行設措供支查各路官兵  
一切長夫長驛爲數頗多脚價亦復不少大半  
均屬例外支給現在移會勒保酌定章程奏明



辦理一面嚴飭各糧員樽節應付以歸覈實均  
奏入

上命軍機大臣傳諭德楞泰秦承恩興肇觀成英善  
福寧曰明亮等所奏仍係分路截剿情形並未擒  
一逆而官兵轉有傷亡殊爲不值且賊匪自鎮  
安洵陽以至山陽商州均係向東奔竄而摺內轉  
稱向西南狂遁全係虛語現在軍威不爲不盛乃

剿此屢經敗竄之賊總未能痛加殲戮擒獲首逆  
明亮德楞泰實屬喪盡天良而此次額勒登保截  
剿齊王氏一股賊匪後復趕緊馳赴藍田抄出賊  
前兜截尙有悔過思奮之意此時齊王氏一股自  
九間房敗竄意欲侵入藍田而高均德一股折回  
犀牛槽亦欲北竄藍田是兩股賊匪又將合併額  
勒登保現已先往藍田明亮德楞泰緊躡高均德

一股賊蹤若能兩面夾擊將首逆一併拏獲固屬甚善否則視何股賊首緊要卽併力先將一股賊首擒獲後再行剿辦一股庶兵力得以整隊兜剿而賊勢漸孤易於搜捕明亮等務須各加愧勵以期稍贖前罪其殺賊陣亡之佐領噶塔保章果保胡世訥俱著咨部加等議卹至盤屋西南鄉竄匪卽係李全等分股留後滋擾之賊興肇柯藩帶兵

截剿殄斃七百餘名餘匪四散奔竄所辦亦可前

據秦承恩奏在圪子村打仗以少擊衆大挫賊鋒

是該處兵勇甚爲得力何以興肇等尙稱兵力稍

單現在興肇等已派德明額帶兵一千名前往興

肇等將盩厔西南鄉竄匪剿淨後卽帶兵自西而

東正可與秦承恩王文雄併力兜圍肅清一路斷

不可令其竄往藍田與齊王氏等合夥再觀成等

剿辦老木園賊匪已及年餘仍未將首逆陳崇德  
拏獲可謂無恥無能且開縣剿散賊匪均思與老  
木園賊匪合夥此時觀成等若稍不嚴密任令陳  
崇德衝出營卡又有滋蔓伊二人自思當得何罪  
不可不倍知儆惕也又英善等籌辦川省糧餉酌  
就該處情形派員分投經理所辦尙安現在陝省  
截留餉銀自俱陸續到川務須實力籌辦以期軍

需無缺帑不虛糜

初八日

壬申

宜綿奏言

臣

於寧羌拜摺後二十五

日帶領索費英阿督率兵丁等起程前進二十

七日途次黃沙驛探報賊匪一股五六百人現

在長寨南岸窺伺隨派索費英阿帶兵涉江繞

道截其後路

臣

帶叅將李昌遊擊韓加業等趕

至長寨賊匪正在紛紛搶渡鄉勇竭力堵禦賊

匪見

臣

兵一到忙亂回竄當飭弁兵施放鎗礮

殺斃及淹死者甚多一半逃回南岸索費英阿

之兵已到兩面夾擊殲戮殆盡逃回者不過三

四十人

臣

以青石關距漢中府城僅九十里賊

匪在彼屯聚未便舍之東行隨於次日拔營前

進詎賊匪聞風畏懼連夜逃回川境距陝界三

四百里

臣

遂由青石關沿途查勘嚴飭各義首

小心防禦臣於三十日回抵漢中查寧羌迤西

一路現屬安靜臣自當速赴德楞泰軍營督辦

高均德齊王氏等惟日前搶渡過江之賊查探

賊目名阮正通據烏爾圖那遜報稱二十四日

帶兵三百名至洋縣正遇阮正通帶領二三千

人直逼縣城經伊督兵迎頭堵截知縣顧沂副

將官信帶領兵勇從小西門抄出兩面夾攻斃



賊百餘名生擒十八名賊匪連夜翻山向東北  
奔竄嗣奉

嚴旨遂將兵三百名留於洋縣防守伊卽輕騎趕來

臣營聽候差遣是阮正通股匪並無官兵剿辦

臣酌調附近防守白馬關之河州兵五百名趕

來漢中交文需督飭各屬布置臣卽於三月初

一日帶兵一千名由城固洋縣一路探蹤追躡

如阮正通等尙在洋縣等處焚掠

臣

卽就現有

之兵設法痛剿如已東合高均德齊王氏一夥

臣

卽馳赴德楞泰軍營會同電擊至北路賊匪

闖入寶雞岐山境內現據稟報經知縣孟正笏

杜堦等分帶勇壯在各隘口堵截擒斬賊匪自

百餘名至數十名不等賊匪不能逸出大道俱

由斜峪關東趨邠縣興肇柯藩已帶大兵趕至

秦承恩等亦自商州繞至大峪口從東攔截諒

可不日蕨事惟棧道附近尙有零星餘匪行旅

戒嚴臣仍飭索費英阿帶原領之兵由褒城留

壩一路疏通餉道將京餉留貯寶雞鳳縣者悉

數滾運入川再來臣營會剿

同日恒瑞慶成奏言羅其清等一夥賊匪竄至

儀隴地方臣等督兵殲剿退回新寺場白果壩

等處潛圖西竄<sub>臣</sub>等與總兵觀祥副將丁有成

等分路扼堵並派隨營典史崔萱招集鄉勇一

千餘名分撥各官兵隊後適賊匪竄出猴子坡

丁有成督兵截擊<sub>臣</sub>等帶兵馳往接應殲賊百

餘人賊卽竄回次日賊復蜂擁來撲蕭家梁營

卡並分股由小路西奔<sub>臣</sub>等督兵奮力截殺派

巴圖魯侍衛江鼎保等各帶兵從山旁密林

內抄下邀擊總兵觀祥亦由長石梯前來協剿  
賊匪數次捨命衝突俱被我兵擊退又殺賊二  
百餘人該匪等潛從歧徑分投西竄臣等分派  
將弁帶兵抄出扼要埋伏截殺始不敢復思窺  
伺並據各口隘弁兵先後擊獲匪黨自三四十  
名至一二百名不等解營研訊概行梟示二十  
一日賊又折向東南大山竄遁連日堵剿賊匪

行營千總馬正魁最爲奮勇因中鎗傷陣亡尙  
有節次受傷陣亡弁兵容俟查明另行咨部現  
在西通保寧各路俱已肅清臣等一面曉諭附  
近民人團練鄉勇擇要嚴防仍一面緊躡賊蹤  
追剿並隨時知會勒保先將羅其清等一股併  
力殲滅然後會合兵力再將各股賊匪以次剿

洗

上命軍機大臣傳諭宜綿德楞泰秦承恩額勒登保  
恒瑞慶成曰川省竄入長寨賊匪經官兵殄戮殆  
盡其石關屯聚之賊亦已逃回南岸離陝界已  
有三四百里宜綿卽帶兵馳赴德楞泰等軍營所  
辦尙爲妥協但前此搶渡過江之阮正通一股仍  
向東奔竄想卽係勒保剿敗餘匪宜綿現由洋縣  
前往白當順道先將此股賊匪殄盡速與德楞泰

等會合督同剿辦至羅其清一股賊匪經恒瑞慶  
成帶兵剿殺多名現在保寧西路俱已肅清賊匪  
向東奔竄恒瑞等躡蹤追剿務須趁賊匪窮竄之  
時上緊剿辦何必待勒保兵來夾擊始行殄盡耶  
其殺賊陣亡之千總馬正魁著咨部加等議卹此  
時額勒登保自早抵藍田迎擊齊王氏一股而明  
亮德楞泰又緊躡高均德一股且李全一股如杲



由盤厓奔竄藍田亦係必經之路若三股賊匪合  
爲一夥秦承恩王文雄與肇柯藩自西而東德楞  
泰額勒登保明亮自東而西前後夾攻正是極好  
機會如賊首仍分股竄逸則當遵照昨旨視何股  
賊首緊要卽合力先將一股賊首擒獲後再行剿  
辦一股斷不可任令闖入楚豫邊界爲要

初九日

癸酉

勒保惠齡奏言王三槐徐添德等大

竅賊匪經官兵在茶尖壩等處痛剿卽折向龍  
鳳垵一帶屯踞當經酌留總兵朱射斗帶領兵  
勇在竹峪關洪口等處分擊營卡防堵北竄一  
面卽飭總兵保興副將達桑阿等帶兵從倒流  
水進發副將朱延清等帶兵從陳家坪進發趕  
緊追擊十五六等日據報該鎮將等進抵龍鳳  
垵正值匪衆數千在彼屯聚我兵兩面趕到施

放鎗礮斃賊八百餘名匪衆向巴州鎮龍關一

帶逃竄維時臣等督率總兵百祥等正由絲羅

壩一路進發途次拏獲奸細劉汝青據供王三

槐徐添德等匪衆竄至白沙場與冉文儁等首

夥竄合分起滋擾達州所屬之白衣巷江陵溪

橋灣河石橋河石梯坎一帶查該匪等旣從通

江巴州抵竄達州我兵自不便均由北面追剿

必須設法繞出賊前迎擊是以飛飭保與宋延清等兩路追擊<sub>臣</sub>等卽督率官兵取道胡家場一路星馳兜剿十八日行抵雙廟場適據探報白沙場等處賊匪正在達州西面趙家場等處焚掠江陵溪等處賊匪已經竄至蚊蟲溪該處西接營山南連渠縣東接達州中界巴河一道河水深淺不等賊匪進則涉淺而渡退則憑山

而守實爲狡譎臣等商派副都統七十五總兵

富爾賽等帶兵趕赴蛟蟲溪先截賊匪分竄之

路並令副將關聯陞承寧叅將穆克登布遊擊

褚大榮帶領兵勇從通川峴一路馳赴趙家場

趕緊追擊等等同明興督率總兵百祥等從鐵

山關一路前進復派松茂道承勳帶領鄉勇於

老鴉坪地方駐劄以爲聲援二十日午刻關聯

陞等前隊官兵進抵環山子正遇趙家場屯聚賊匪該將領帶兵直前奮勇剿殺逼至臨河寶竹寺地方賊匪均捨命蹈水奔竄穆克登布等率領馬隊繞至上游淺處過河橫衝截擊後隊步兵排列河岸鏡箭並發殺賊五百餘名餘多淹斃因時已薄暮卽撤回寶竹寺暫駐三更時賊匪分兩路於寶竹寺上下涉淺渡河直逼營

卡我兵據卡放鎗斃賊無算迨至黎明適百祥  
趕到兩面夾攻追及中流對岸賊匪紛來接應  
約計不下萬餘自辰至申斃賊七八百名正在  
相持之際適聞隔河鎗礮不絕旋據探報係保  
興宋延清兩路官兵於雲頂山會合趕抵江陵  
溪與賊接仗查該鎮將由倒流水陳家坪督兵  
進發歷過香爐山白沙場等處隨剿隨進日行

百餘里沿途殲獲甚多適於二十一日進抵插  
旂山地方與寶竹寺一路官兵隔河夾擊賊匪  
不能抵抗遂將附近佔踞民房縱火燒燬乘烟  
焰四起之際分起竄逃察看去向正係歸併蚊  
蟲溪一帶因思蚊蟲溪地方雖派七十五富爾  
賽帶兵到彼堵截但兵力甚單臣督率百祥等  
復星夜趕赴策應二十三日午刻行抵界牌據



報賊匪正在紮筏搶渡七十五等督兵沿河堵

禦臣等復催僱兵勇立時趕到排鎗抵擊並用

大礮轟斃賊匪數十人騎馬賊目二名餘衆不

敢搶渡旋即退回對河之白山寺清河壩等處

屯紮惟緣蚊蟲溪一帶河水深濶不能躡渡其

下游之三匯一帶前經賊匪焚掠守禦空虛臣

等現在一面派令副將雷仁海常等酌帶兵勇

馳赴三滙設法堵截一面卽在蚊蟲溪哨探賊  
勢尅期進取至各路連日打仗副將達桑阿都  
司張永成均因奮勇殺賊陣亡其餘陣亡受傷  
弁兵容俟查明咨部辦理再查通江令涂陳策  
因縣治本無城垣卽於盤關寨駐劄堵禦竄川  
陝匪不遺餘力此次各股賊匪從太平一路折  
回洪口等處分竄該令帶領鄉勇馳赴木桶垵

地方堵截該匪等人數較多衆寡不敵致被賊  
害合併奏

聞

勒保又奏言臣仰荷

鴻慈畀以總統重寄自本年正月入川節次與賊接  
仗斬獲甚多本擬儘此現有兵力將各股賊匪  
次第殲除無如賊情狡詐正當大兵從太平

帶兜越之時其林亮功秦在明等復從燈草壩折回開縣境內屯踞十三壩地方未免稍形牽綴且據額勒登保知會已遵

旨卽從大寧馳赴鄖西是開縣地方止有副都統銜六十七總兵富森布等帶兵捍衛連日以來又接開縣文武稟報林亮功等一起復由十三壩竄至開竹坪襄脅日衆分投擾及雲萬下游大

寧奉節交界均有竄匪情形散漫至臣所剿王

三槐徐添德等夥黨自川東而至川北現與冉

文儔等各股互相狼狽雖各股首逆歸併一處

然正當四面兜擒兵力實在不敷而賊匪屯紮

地方聯絡數百里黨與極衆殊難嚴密布置查

川省兵數本屬無多除分撥開縣一路及留防

達州新寧保寧營山廣元太平竹峪關等處外

實在打仗兵丁祇有七千餘名因思臣前曾札

商鄂輝等於苗疆事竣後酌量撥定官兵一萬  
名以備續調旋據覆稱業已擬撥貴州兵五千  
名雲南兵五千名一經檄調即可照數撥出茲  
當實在需兵之際合無仰懇

天恩准調此項官兵來川協剿庶於軍務有裨

同日高杞奏言臣駐襄彈壓巡防並督籌鄖郡

邊防軍需茲據宜昌府稟報川匪竄至巫山縣  
逼近楚界旋據南漳令李芸經稟報竄匪由巫  
山闖入巴東興山二月三十日已至遠安縣地  
方查遠安毗連南漳荆門俱可笑入襄郡已飛  
飭該州縣厚集鄉勇趕緊堵截此外如襄陽上  
游之穀城光化均州下游之宜城鍾祥荆門皆  
瀕臨襄江綿長數百餘里在在界連豫省

臣現

飭各該州縣將南岸船隻木筏提泊北岸多集  
鄉勇分設水卡嚴密防禦但無官兵究不足恃  
查汪新等帶赴鄖西官兵爲數甚多節據鄖西  
探報竄陝賊匪相距該縣地界已在二三百里  
之外是襄郡較爲緊要現經稟商撫臣回駐襄  
郡並酌抽鄖西防兵來襄派委幹員分赴各水  
卡督防現有續調赴鄖之叅將諾音保帶兵二



百名抵襄當經截留臣因襄郡爲軍火糧餉重

地未敢遽離先令該叅將帶往前途扼要堵禦  
至遠安附近荊州該處亦係重鎮並已飛咨副  
都統海洪阿酌量帶兵堵截均奏入

上命軍機大臣傳諭勒保景安惠齡汪新倭什布曰  
賊首王三槐徐添德等竄至白沙場與冉文儔等  
合夥復分起滋擾達州經勒保等派令七十五關

聯陞等分路截擊勦保卽帶兵前往策應在寶竹寺江陵溪地方兩次殲賊一千餘名又於界牌地方將搶渡賊匪截擊所辦皆合機宜其奏請添兵協剿一節自應准其添調現已降旨諭令鄂輝遵辦矣若勒保等能於新調雲貴官兵未到之先將川北賊匪辦竣卽可飛咨帶兵人員仍由途次轉回此次打仗陣亡之副將達桑阿都司張永成並

禦賊被戕之署通江縣涂陳策俱著咨部加等子  
卹又高杞奏川省竄匪由巴東逸入楚境之遠安  
自係白岩山林亮功一股竄匪因勒保等未暇兼  
顧是以乘間竄入楚境湖北甫當戡定之後豈可  
又遭蹂躪汪新接到高杞稟報後自己與成德文  
圖等商酌一面分兵留防鄖陽一帶一面卽親帶  
兵丁趕回襄陽但汪新究係書生且年已就衰景

安著補授湖廣總督伊現在盧氏一帶駐劄於楚豫交界地方籌辦一切機宜尙俱妥協盧氏距楚甚近著卽馳驛趕赴襄陽其陝西交界防堵事宜卽可交張文奇暫行帶兵駐守至湖北各處額兵早經歸伍景安抵襄後卽可於就近各營汛內酌調以資剿撫務須及早殲除且襄江向屬深廣非如寧羗一帶之漢江上游水淺易涉此時南岸船

隻俱經調泊北岸尤當飭屬嚴防江岸毋令賊匪  
偷渡北竄而汪新馳回襄陽應與高杞先行籌辦  
不可因有景安到彼督剿坐失事機也其河南巡  
撫員缺已將倭什布調補山西巡撫員缺已令伯  
麟前往署理所有河南巡撫印篆景安可卽委員  
迎交倭什布接收俾卽前赴盧氏督同張文奇帶  
兵駐守其山西巡撫印篆倭什布亦可委員迎交

不必彼此等候致有遲延

上命軍機大臣傳諭鄂輝曰勒保前於苗疆事竣後  
會札商鄂輝預撥貴州雲南兵各五千名聽候檄  
調現在川省賊衆兵單不敷剿辦著鄂輝卽將前  
此預行撥定之滇黔官兵一萬名選派將弁帶領  
迅速赴川聽候勒保調遣